

Te per orbem terrarum * sancta confitetur Ecclesia,

Patrem * immensae majestatis; Venerandum tuum verum * et unicum Filium;

Sanctum quoque * Paraclitum Spiritum.

Tu Rex gloriae, * Christe.

Tu Patris * sempiternus es Filius.

Tu, ad liberandum suscepturus hominem, * non horruisti Virginis uterum.

Tu, devicto mortis aculeo, * aperuisti credentibus regna caelorum.

Tu ad dexteram Dei sedes, * in gloria Patris.

Judex crederis * esse venturus.

Te ergo quaesumus, tuis famulis subveni, * quos pretioso sanguine redemisti.

Aeterna fac cum Sanctis tuis * in gloria numerari.

Salvum fac populum tuum, Domine, * et benedic hereditati tuae.

Et rege eos, * et extolle illos usque in aeternum.

Per singulos dies * benedicimus te;

Et laudamus nomen tuum in saeculum, * et in saeculum saeculi.

Dignare, Domine, die isto * sine peccato nos custodire.

Miserere nostri, Domine, * miserere nostri.

Fiat misericordia tua, Domine, super nos, * quemadmodum speravimus in te.

In te, Domine, speravi: * non confundar in aeternum.

CANTICUM ZACHARIAE

Luc. 1, 68-79

Benedictus Dominus, Deus Israel, * quia visitavit et redemit populum suum,

Et erexit cornu salutis nobis * in domo David servi sui,

Sicut locutus est per os sanctorum, * qui olim fuerunt, prophetarum suorum:

Ut liberaret nos ab inimicis nostris, * et e manu omnium qui oderunt nos,

Ut faceret misericordiam cum patribus nostris * et recordaretur foederis sui sancti:

Jurisjurandi, quod juravit Abraham, patri nostro, * datum se nobis,

Ut sine timore, e manu inimicorum nostrorum liberati, * serviamus illi

In sanctitate et justitia coram ipso * omnibus diebus nostris. —

Et tu, puer, propheta Altissimi vocaberis: * praebis enim ante faciem Domini ad parandas vias ejus,

Ad dandam populo ejus scientiam salutis * in remissione peccatorum eorum

Per viscera misericordiae Dei nostri, * qua visitabit nos Oriens ex alto,

Ut illuminet eos, qui in tenebris et in umbra mortis sedent, * ut dirigat pedes nostros in viam pacis.

Gloria Patri, et Filio, * et Spiritui Sancto.

Sicut erat in principio, et nunc, et semper, * et in saecula saeculorum. Amen.

BREVIARIUM ROMANUM

EX DECRETO

SS. CONCILII TRIDENTINI RESTITUTUM
SUMMORUM PONTIFICUM CURA RECOGNITUM

EDITIO PRIMA JUXTA NOVAM TYPICAM



PARS AESTIVA

RATISBONÆ

SUMPTIBUS ET TYPIS FRIDERICI PUSTET
S. SEDIS APOSTOLICÆ ET S. RITUUM CONGREG. TYPOGRAPHI

BREVIARIUM
ROMANUM

Significatio libri non ligati:

Brev. 12° D

Printed in Germany



MICHAEL

DIVINA MISERATIONE ET SEDIS APOSTOLICÆ GRATIA

ARCHIEPISCOPUS

EPISCOPUS RATISBONENSIS

SSMI D. N. PII XII PONTIFICIO SOLIO ASSISTENS

COMES ROMANUS

OMNIBUS HAS LITTERAS VISURIS SALUTEM

ET BENEDICTIONEM A DOMINO

Cum cognoverimus dilectum Filium Nostrum Fridericum Pustet, Sanctæ Sedis Apostolicæ et Sacræ Rituum Congregationis typographum, ab eadem Sacra Congregatione facultatem obtinuisse Breviarium Romanum in forma, quam vocant 12°, edendi, cumque censor a Nobis legitime deputatus testimonio confirmaverit præsentem editionem e prædicta facultate paratam plane concordare cum editione nova Vaticana ejusdem Breviarii Romani, quam Sacra Rituum Congregatio die 21 Decembris 1948 uti typicam habendam esse decrevit, Nos ad normam can. 1390 Cod. jur. can. hanc editionem primam juxta novam typicam libentissime adprobamus evulgandique licentiam impertimur.

In quorum fidem has Nostras litteras manu Nostra signatas atque majori Nostro sigillo munitas expediri jussimus.

Ratisbonæ, die 15 Augusti 1952

L. † S.

+ Michael,
ep̄ps Ratisbonen.

nem et mortem Dómini nostri Jesu Christi, précibus et méritis beatíssimæ semper Vírginis Mariæ, beatórum Apostolórum Petri et Pauli, beáti Patris nostri **N.** et ómnium Sanctórum, auctoritá-

te a Summis Pontíficibus mihi commissa, plenáriam indulgéntiam ómnium peccatórum vestrórum vobis impérior. In nómine Patris, et Fílii, ✠ et Spíritus Sancti. Amen.

IN BENEDICTIONE
AUGUSTISSIMI SACRAMENTI

Tantum ergo Sacraméntum
Venerémur cérnui;
Et antiquum documéntum
Novo cedat ritui;
Præstet fides suppleméntum
Sénsuum deféctui.

Genitóri, Genitóque
Laus et jubilátio,
Salus, honor, virtus quoque
Sit et benedictio:
Procedénti ab utróque
Compar sit laudátio. Amen.

V. Panem de cælo præstití-
sti eis. (Allelúja.)

R. Omne delectaméntum in
se habéntem. (Allelúja.)

Orémus. **Oratio**

Deus, qui nobis sub Sacra-
ménto mirábili passio-
nis tuæ memóriam reliquí-
sti: tríbue, quæsumus, ita
nos Córporis et Sánguinis
tui sacra mystéria venerári;
ut redemptionis tuæ fructum
in nobis júgiter sentiámus:
Qui vivis et regnas in sæcu-
la sæculórum.

R. Amen.

OFFICIA PROPRIA
DICECESIS MONASTERIENSIS

PARS ÆSTIVA

Die 5 Junii

S. BONIFATII

Episcopi et Martyris

Duplex II classis

Omnia de Communi unius
Martyris præter ea, quæ in
Breviario hæc die habentur
propria.

In I Nocturno Lectiones A
Miléto, de Communi unius
Martyris.

In II Vesperis fit Comme-
moratio sequentis.

Die 4 Julii

S. UDALRICI

Episcopi et Confessoris

Duplex

Omnia de Psalterio et Com-
muni Confessoris Pontíficis,
præter sequentia:

IN I VESPERIS

V. Amávit eum Dómi-
nus, et ornávit eum. **R.**
Stolam glóriæ induit eum.

Ad Magnif. Ant. Sacér-
dos et Pontífex, * et vir-
tútum ópifex, pastor bone
in pópulo, ora pro nobis
Dóminum.

Propr. Diæc. Monast. P. Æstiva

Oratio

Deus, qui cónspicis,
quia ex nulla no-
stra virtúte subsi-
stimus: concéde propíti-
us; ut, intercessióne beáti
Udalrici Confessoris tui
atque Pontíficis, contra
ómnia advérsa muniámur.
Per Dóminum nostrum.

Et fit Commemoratio præ-
cedentis:

Ant. Dum esset Summus
Póntifex, terréna non mé-
tuit, sed ad cæléstia regna
gloriósus migrávit.

V. Justum dedúxit Dó-
minus per vias rectas. **R.**
Et osténdit illi regnum
Dei.

Oratio

Gregem tuum, Pastor æ-
térne, placátus intén-
de: et per beátum Leónem
Summum Pontíficem per-
pétua protectióne custódi,
quem totíus Ecclésiæ præ-
titísti esse pastórem. (Per
Dóminum nostrum.)

Deinde Commemoratio Octavæ Ss. Petri et Pauli Apostolorum:

Ant. Petrus Apóstolus et Paulus Doctor gentium, ipsi nos docuerunt legem tuam, Dómine.

V. Constitues eos príncipes super omnem terram.

R. Mémoires erunt nóminis tui, Dómine.

Oratio

Deus, qui hodiérnam diem Apostolorum tuorum Petri et Pauli martyrio consecrásti: da Ecclésiæ tuæ, eórum in ómnibus sequi præcéptum; per quos religionis sumpsit exórdium. Per Dóminum.

In II Nocturno

Lectio iv

Udalricus, excélsa pro-sápia Alamannórum patre Hupáldo, cómite de Dillingen et Khyburg, et matre Thietbúrğa natus, puer mónachis sancti Galli tráditur educándus. Ibi stúdio litterárum et virtutum zelo, præsertim castimóniæ, ádeo excélluít, ut coævi „sánctulum“ illum jam abinde cœperint vocitáre. In pátriam revérsus, cognáto suo Adalberóni, episcopo Augustáno, fidé-liter desérviit et post ejus

mortem bonórum suórum patrimoniálium per quatuórdecim fere annos curam gessit. Mórto Hiltino, Adalberónis successóre, Udalricus ab Henrico primo rege episcopus ecclésiæ Augustánæ præficitur.

R. Inveni David servum meum, óleo sancto meo unxi eum: * Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. **Manus.**

Lectio v

Factus igitur episcopus, totum se contemplatióni dedit et sacrae lectióri: interim nihilóminus, ut pastor bonus, summa cura ac sollicitúdine óvibus suis invigilábat. Quas, tum sápius visitádo, tum quibúsvís ingruéntibus periculis confirmádo, ádeo nunquam deséruiit, ut irumpéntibus aliquándó Hungaris fórtiter resistédo precésque férvidas ad Deum ex ánimo fundédo cives suos e summo discrimine feliciter liberáret.

R. Pósui adjutórium super poténtem, et exaltávi eléctum de plebe mea: * Manus enim mea auxiliábitur ei. **V.** Inveni David

servum meum, óleo sancto meo unxi eum. **Manus.**

Lectio vi

Componéndis discídiis et inimicis reconciliándis operam semper navávit egrégiam; Ottónem Cásarem et Liudólphum ejus filium, gravíssimis inter se dissidentes ódiis, reconciliávit. Páuperes quotidie mensæ suæ adhibébat convivas. Abstinéntia fuit admirábilis; in oratióne étiam ad multam sæpe noctem assiduus, lecto plúmeo nunquam est usus. Longum est commemoráre, quam multa ædificárit templa, quántaque per eum Deus contúlerit dona. Atque in his piis stúdiis ac labóribus per quinquaginta annos episcopátus múnere digne et sancte functus óbiit quinto Nonas Júlias, anno Incarnatiónis Domínicæ nongentésimo septuagésimo tértio. Viginti annis post a sýnodo Lateranénsi, præsidénte Joáne Papa quintodécimo, inter Sanctos relátus est, quæ fuit prima omnino inter omnes canonizatióne hémnes. Hujus reliquias in castæ Vindelicióne, in ecclésiá sanctæ

Afræ, póstea ejus nómine nuncupáta, religiosíssime servántur, ubi gloriósa ejus mérita miráculis corúscant.

R. Iste est, qui ante Deum magnas virtútes operátus est, et omnis terra doctrina ejus repléta est: * Ipse intercédát pro peccátis ómnium populórum. **V.** Iste est, qui contémpsit vitam mundi, et pervénit ad cælestia regna. **Ipse.** Glória Patri. **Ipse.**

In III Nocturno Homilia in Evangelium Homo peregre, de Communi Confessoris Pontificis 1 loco.

AD LAUDES

V. Justum dedúxit Dóminus per vias rectas. **R.** Et osténdit illi regnum Dei.

Ad Bened. Ant. Euge, serve bone * et fidélis, quia in pauca fuisti fidélis, supra multa te constitúam, dicit Dóminus.

Oratio

Deus, qui cónspicis, quia ex nulla nostra virtúte subsístimus: concéde propítius; ut, intercessióne beáti Udalrici Confessoris tui atque Pontificis, contra ómnia advérsa muniámur. Per Dóminum nostrum.

Et fit Com. Octavæ:

Ant. Gloriósi Príncipes terræ, quómodo in vita sua dilexérunt se, ita et in morte non sunt separáti.

V. In omnem terram exívit sonus eórum. **R.** Et in fines orbis terræ verba eórum.

Oratio

Deus, qui hodiérnam diem Apostolórum tuórum Petri et Pauli martyrio consecrásti: da Ecclesiæ tuæ, eórum in ómnibus sequi præcéptum; per quos religionis sumpsit exórdium. Per Dóminum.

Vesperæ a Capitulo de sequenti, Com. præcedentis:

Ant. Amávit eum Dóminus, et ornávit eum: stollam glóriæ induit eum, et ad portas paradísi coronávit eum.

V. Justum dedúxit Dóminus per vias rectas. **R.** Et osténdit illi regnum Dei.

Oratio

Deus, qui cónspicis, quia ex nulla nostra virtúte subsistimus: concéde propítius; ut, intercessióne beáti Udalríci Confessoris tui atque Pontíficis, contra ómnia advérsa muniámur. (Per Dóminum nostrum.)

Deinde Com. Octavæ:

Ant. Petrus Apóstolus et Paulus Doctor géntium, ipsi nos docuerunt legem tuam, Dómine.

V. Constitúes eos príncipes super omnem terram. **R.** Mémores erunt nóminis tui, Dómine.

Oratio Deus, qui hodiérnam, ut supra.

Die 15 Julii
S. HENRICI

Imperatoris, Confessoris

Duplex

Vesperæ a Capitulo dicuntur de S. Henrico, et fit Commemoratio præcedentis. Reliqua ut in Breviario hac die.

Die 16 Augusti
S. JOACHIM

Patris B. M. V., Conf.

Duplex II classis

Pro S. Rocho Conf.:

Lectio ix

Rochus, in monte Pesusuláno natus, quanta in próximum caritaté flagraret, tum máxime osténdit, cum, sævíssima peste longé latéque per Itáliam grassánte, pátria relicta, Itálicam peregrinaciónem suscepit, urbésque et ópida péragrans, seípsum in ægrotántium obséquium impendere, animám-

que suam pro frátribus pónere non dubitávit. Quod beáti viri stúdiúm quam gratum Deo fúerit, miris sanatióibus declarátum est. Complúres enim pestilentia inféctos e mortis periculo signo crucis eripuit, et intégræ sanitáti restituit. In pátriam reversus, virtútibus et méritis dives, sanctíssime óbiit, ejúsque óbitum statim subsecúta est veneratio fidélium, quæ in Constantiénsi deinde concílio magnum recepisse dicitur incrementum, cum ad propulsándam ingruéntem luem Rochi imágo solémni pompa, omni comitánte pópulo, per eándem civitátem, episcopis approbántibus, est deláta. Itaque ejus cultus mirífice propagátus est in univérso terrárum orbe, qui eúndem sibi apud Deum advérsus contagiósam luem patrónum religiósó

stúdió adoptávit. Quibus accuráte perpénsis, Urbánus octávus Póntifex Máximus, ut ejus dies festus iis in locis, in quibus forent ecclesiæ sancti Rochi nómine Deo dicátæ, Officio ecclesiástico celebráretur, indúlsit. **Te Deum.**

In Laudibus fit Commemoratio S. Rochi:

Ant. Euge, serve bone et fidélis, quia in pauca fuísti fidélis, supra multa te constitúam, intra in gáudium Dómini tui.

V. Justum dedúxit Dóminus per vias rectas. **R.** Et osténdit illi regnum Dei.

Oratio

Pópulum tuum, quæsumus, Dómine, continúa pietáte custódi: et beáti Rochi suffragántibus méritis, ab omni fac animæ et cörperis contagióne secúrum. Per Dóminum.